

mainatges d'òc **PLUMALHON**

ISSN 1264-6733 (5,70€)

L'òli de
lavanda

Minons



Les bufles)



Los bufles d'Africa

L'animal pus dangierós de la savana africana es lo bufle.

I a dos bufles diferents en Africa. I a lo de la savana e lo de la forèst.

Los bufles de las forèstes vivon generalament en grops de quatre o cinc.

Mas lo nombre fa la fòrça, alara lor arriba de s'amassar en tropèls d'un vintinat o d'un trentinat quand se tròban dins una clarièra.

Lo bufle de la forèst es pichon, passa pas sovent los 300 kg per 1,20 m al garròt.

Quand son dins d'endrechtes ont son pas protegits sòrton puslèu de nuèch.



Las patas del bufle s'acaban amb d'onglons


que fan de pesadas caracteristicas.



Los bufles pus grands, son los qu'apèlan del Cap. Demòran dins las savanas e pòdon pesar fins a 800 kg. Son coma lors fraires de la forèst. Son d'erbivòrs romiaires. Mas coma vivon pas dins un mitan protegit, fan de grandas manadas, fins a dos mila bèstias.

L'aiga lor agrada, e encara mai de s'anar volcar dins las marlièras. Aital la fanga los aparta de las fissadas dels insèctes.

Aqueles animals an pas bona vista ni bona aurelha, mas an bon nas.



La borra del bufle de la forèst es pro espessa, es rossa e de còp en còp, tira sul roge. D'insèctes parasits i se rescndon. Son los aucèls que lor venon netejar la borra. Los apèlan picabuòus.



Arriba que los mascles vièlhs daissen lo tropèl per anar acabar lor vida sòls.



Son aqueles animals solitaris que son dangieroses. Trantalharàn pas a atacar se se senton menaçats o se son nafrats.

Los bufles an pas gaires enemics. Los leons ausan atacar aquelas bèstias, o los crocodils. En passant un riu, arriba que qualque bufle se faga atacar.

Pel moment, lo bufle d'Africa es pas menaçat de disparicion. Las poblacions son nombrosas encara.